

Sunday, July 01, 2012
12:07 PM

სოფლის მხარდაჭერის პროგრამა - პოპულარობიდან პროფესიონალიზმისკენ

სოფლის მხარდაჭერის პროგრამის განხორციელება საქართველოს მთავრობამ 2009 წლიდან დაიწყო და განვლილი პერიოდის გამოცდილებიდან გამომდინარე, შეიძლება ითქვას, რომ რეგიონებში განხორციელებული პროექტების ფონდიდან დაფინანსებული პროექტებიდან იგი ერთ-ერთ პოპულარულ პროექტია.

აღნიშნული პროგრამის ფარგლებში თითოეული სოფლის მცხოვრებლებს ეძლევათ შესაძლებლობა აქტიური მონაწილეობა მიიღონ თავიანთ სოფელში არსებული პრობლემების გადაწყვეტაში. კერძოდ, ჩამოაყალიბონ პრობლემები, განსაზღვრონ პრობლემებიდან კონკრეტული მომენტისთვის ყველაზე მნიშვნელოვანი, აქტუალური და არსებული დაფინანსების ფარგლებში გადაჭრად აღნიშნული პრობლემა.

თავისი არსით „სოფლის მხარდაჭერის პროგრამა“ სპეციალურ ტრანსფერს წარმოადგენს. ამავდროულად, თვით მუნიციპალიტეტის შიგნით იგი გათანაბრებით ფუნქციასაც ასრულებს, რადგან გარკვეული წესით ანაწილებს თანხებს ტერიტორიულ ერთეულებში და ნიველირებას უკეთებს მათში ინფრასტრუქტურის რეაბილიტაცია-განვითარებას, რაც ასევე მნიშვნელოვანია ცალკეული თემის, სოფლის სოციალურ-ეკონომიკური დონისა და ინფრასტრუქტურის განვითარებისათვის.

პროგრამის ძირითადი მიმართულებები. საქართველოს მთავრობის 2012 წლის 24 იანვრის

№23 დადგენილებით პროგრამის ძირითად მიზანს შეადგენს: პროგრამით გათვალისწინებული თანხის წარმართვა სოფლის პირველი რიგის სოციალურ-ეკონომიკური საჭიროებების დასაფინანსებლად. იგულისხმება ადგილობრივი ინფრასტრუქტურის ობიექტების აღდგენა-რეაბილიტაცია, კეთილმოწყობის სამუშაოების განხორციელება და ა.შ.; თვითმმართველობის განხორციელებაში მოქალაქეთა ჩართულობის მხარდაჭერა; მოსახლეობასა და თვითმმართველობის ორგანოებს შორის ურთიერთობების გაუმჯობესება; თვითმმართველობის დამოუკიდებლობის ხარისხის ამაღლება.

პროგრამის მოცულობა და სტრუქტურა. პროგრამით გათვალისწინებული თანხები ნაწილდება შემდეგნაირად: არა უმეტეს 50 სულიანი სოფლისთვის – 2 000 ლარი; 51-დან 200 – სულამდე სოფლისთვის – 4 000 ლარი; 201-დან 400 – სულამდე სოფლისთვის – 5 000 ლარი; 401-დან 1000 – სულამდე სოფლისთვის – 8 000 ლარი; 1000-ზე მეტსულიანი სოფლისთვის – 12 000 ლარი.

აღნიშნული წესით გაანგარიშების შემდეგ დაზრეწილი თანხა სოფლებისთვის ნაწილდება ერთ სულ მოსახლეზე გაანგარიშებული მაჩვენებლის მიხედვით (კერძოდ, სოფლის მოსახლეობის რიცხოვნობა მრავლდება კოეფიციენტ 12,565409-ზე).

ცხრილი 1.

„სოფლის მხარდაჭერის პროგრამით“ გამოყოფილი თანხების დინამიკა

წელი	საქართველო (თანხა, სულ. ლარი)	დინამიკა %
2009	19 998 876	100
2010	40 000 000	200,01
2011	40 000 000	200,01
2012	50 000 000	250,01

აღსანიშნავია, რომ „სოფლის მხარდაჭერის პროგრამის“ ფარგლებში გამოყოფილ თანხებს მნიშვნელოვანი ზრდის ტენდენცია ახასიათებს. კერძოდ, 2009 წლიდან აღნიშნული პროგრამის და-

ფინანსება 2,5-ჯერ არის გაზრდილი (ცხრილი 1). აღნიშნული ზრდის ტემპის შენარჩუნება მიზანშეწონილია გარკვეული, რაციონალური ნიშნულის მიღწევამდე, რაც მნიშვნელოვან როლს შეასრუ-

ლებს სოფლების ინფრასტრუქტურის მოწესრიგებაში და ამ სფეროში გარკვეული, სტაბილურად განვითარებადი გარემოს ფორმირებაში.

შედეგები. ჩვენი აზრით, ფრიად საინტერესოა კონკრეტული მუნიციპალიტეტის მაგალითზე „სოფლის მხარდაჭერის პროგრამის“ განხორციელების შედეგების წარმოდგენა. წალენჯიხის მუნიციპალიტეტის მოსახლეობა შეადგენს 45 000 კაცს, ფართობი 647,1 კვ.კმ-ს. აღსანიშნავია, რომ წალენჯიხის მუნიციპალიტეტში შედის ორი ქალაქი – ქ. წალენჯიხა და ქ. ჯვარი, ორი დასახლება – ფოცხო-ეწერი და ზღვია, 12 თემი, რომელთა შემადგენლობაშიც გაერთიანებულია 35 სოფელი და ასევე სოფელი ეწერი. შესაბამისად, განსახორციელებელი სამუშაოების სპექტრიც ფართოა, ქალაქსა და ქალაქის ტიპის დასახლებებში პრობლემები

სპეციფიკურია, რაც მოითხოვს ასევე მრავალმხრივ მიდგომას, დიდ ფინანსურ რესურსებსა და დანახარჯებს. 2011 წელს წალენჯიხის მუნიციპალიტეტის ბიუჯეტმა შეადგინა 6 191 ათასი ლარი, საიდანაც 582 300 ლარი (9,4%) „სოფლის მხარდაჭერის პროგრამით“ გამოყოფილი თანხა იყო. იგი შეეხო მუნიციპალიტეტის შემადგენლობაში შემავალ 36 სოფელს. შედარებისთვის: ადგილობრივ ბიუჯეტში ინფრასტრუქტურის განვითარება-რეაბილიტაციისთვის გამოყოფილი იყო 750,6 ათასი ლარი. ე.ი. „სოფლის მხარდაჭერის პროგრამით“ გამოყოფილმა დაფინანსებამ იგი დამატებით 77,6%-ით გაზარდა. აღნიშნული ნათლად მიუთითებს იმ მნიშვნელოვან როლზე, რასაც აღნიშნული პროგრამა ასრულებს სოფლების ინფრასტრუქტურის განვითარება-მოწესრიგებაში.

ცხრილი 2.

წალენჯიხის მუნიციპალიტეტისათვის „სოფლის მხარდაჭერის პროგრამის“ ფარგლებში გამოყოფილი თანხების დინამიკა

წელი	თანხა, ლარი	დინამიკა %
2009	282 000	100
2010	576 516	204,4
2011	582 300	206,5
2012	733 975	260,3

„სოფლის მხარდაჭერის პროგრამის“ ფარგლებში გამოყოფილ თანხებს წალენჯიხის მუნიციპალიტეტშიც მკვეთრად გამოხატული ზრდის ტენდენცია ახასიათებს. კერძოდ, იგი 2009 წელს გათვალისწინებული 282 000 ლარიდან 2012

წლისთვის 733 975 ლარამდე (260,3%) გაიზარდა. შესაბამისად იზრდება შესრულებული სამუშაოების არეალი და იგი სულ უფრო მოცულობით ხასიათს იძენს სოფლების ინფრასტრუქტურის განვითარებისთვის.

ცხრილი 3

„სოფლის მხარდაჭერის პროგრამის“ პრიორიტეტები წალენჯიხის მუნიციპალიტეტში

	პრიორიტეტები	2011 წელი თანხა, ლარი	პროექტების რიცხვი
1	სასმელი წყლის სისტემების რეაბილიტაცია	166 273	44
2	საკანალიზაციო სისტემების რეაბილიტაცია	4 401	1
3	სანიაღვრე არხების მოწყობა	18 776	6
4	სკოლამდელი დაწესებულებების მშენებლობა-რეაბილიტაცია	41 816	14
5	გზები	71 027	21
6	ხიდები	28 252	8

7	გარე-განათება	44 626	16
8	ნაპირსამაგრი სამუშაოები	3 381	1
9	სანაგვე ურნების შეძენა	5 727	2
10	წისქვილების რემონტი	25 087	10
11	კულტურის სახლების რემონტი	12 325	1
12	სპორტული მოედნები	8 092	3
13	სკვერები, პარკები	10 060	4
14	გაჩერების, მოსაცდელის მოწყობა	43 379	11
15	თავშეყრის ადგილების მოწყობა	28 322	5
16	სასაფლაოების შემოღობვა	8 381	1
17	სხვა სამუშაოები	62 376	26
	სულ	582 300	174

აღსანიშნავია, რომ წალენჯიხის მუნიციპალიტეტში 2011 წელს „სოფლის მხარდაჭერის პროგრამით“ განხორციელდა 174 პროექტი და პრიორიტეტები შემდეგნაირად იქნა განსაზღვრული (ცხრილი 3): სასმელი წყლის სისტემების რეაბილიტაცია (28,5%), გზების რემონტი და მშენებლობა (12,2%), გარე-განათების რეაბილიტაცია (7,7%), გაჩერებების, მოსაცდელის მოწყობა (7,4%).

ცხადია, რომ „სოფლის მხარდაჭერის პროგრამა“ ხელს უწყობს მოქალაქეთა აქტიურ მონაწილეობას თვითმმართველობაში. ამასთანავე, ამაღლებს კონკრეტულ თემში, სოფელში თვითმმართველობის წარმომადგენლის ავტორიტეტს და პოპულარობას, რაც ფრიად მნიშვნელოვანია საქართველოს მსგავსი, სამოქალაქო საზოგადოების ფორმირების გზაზე მყოფი ქვეყნისათვის.

KAKHABER TSIMINTIA

VILLAGE SUPPORT PROGRAM-FROM POPULARITY TO PROFESSIONALISM

Summary

Georgian Government began „village support program“ since 2009 year and it remains one of the most popular project.

„Village support program“ assists to take population active part in self-government. with this, raises in concrete community and it makes popular the representative of village self-government and that is very important for Georgia.

It is remarkable that the amount which is protruded in „village support program“ is characterized with increasing tendency since 2009 year.

The funding for this program since 2009 increased by 2.5 times the growth rate to maintain a reasonable ,rational levels to reach up.it takes main part to regulate infrastructure and to form development environment in this domain.